

Sakspapir

Sakshandsamar	Arkiv	ArkivsakID
Anne Kristin Rafoss	TI - &00, FE - 080	15/5

Saknr	Utval	Type	Dato
009/2017	Formannskapet	PS	09.02.2017
005/2017	Kommunestyret	PS	20.02.2017

Reglement for godtgjering til folkevalde

Vedlegg:

Journalposttittel

Reglement for godtgjering til folkevalde

Dato

02.02.2017

Rådmannen sitt framlegg til vedtak:

Reglement for godtgjering til folkevalde vert vedteke slik det ligg føre.

Saksopplysningar:

Bakgrunn

Reglement for godtgjering til folkevalde vart sist revidert i kommunestyret 25.10.2011. Då var det berre summene for godtgjering som vart revidert. Det er no tid for ein ny revisjon blant anna fordi ein ikkje har alle utvala som er lista i reglementet lenger og nye utval har kome til. Dette gjer at ein denne gongen ser på heile reglementet og ikkje berre endrar summene for godtgjering.

Rådmannen har og henta inn gjeldande reglement frå ein del av nabokommunane og har samanlikna både form og innhald i deira reglement med Masfjorden kommune sitt.

Fakta

I kommunelova står det:

§ 41.1 Den som har et kommunalt eller fylkeskommunalt tillitsverv, har krav på skyss-, kost- og overnattingsgodtgjøring for reiser i forbindelse med vervet, etter nærmere regler fastsatt av kommunestyret eller fylkestinget selv.

§ 41.2 Tap av inntekt og påførte utgifter som følge av kommunalt eller fylkeskommunalt tillitsverv erstattes opp til et visst beløp pr dag, fastsett av kommunestyret eller fylkestinget selv. Det skal fastsettes ulike satser for legitimert og ulegitimert tap.

§ 42 Den som har et kommunalt eller fylkeskommunalt tillitsverv, har krav på godtgjøring for

sitt arbeid etter nærmere regler fastsatt av kommunestyret eller fylkestinget selv.

Vurdering

Godtgjering til ordfører

Godtgjering til ordfører i Masfjorden kommune har dei to siste periodane vore fastsett til 90 % av stortingsrepresentantar si løn. Dette er etter rådmannen si meining ei ordning som bør halde fram.

Under viser ei samanstilling over godtgjering til ein del av ordførarane i regionen:

	% av løna til stortingsrepresentantar	anna lønsfastsetting
Fedje	94,4 %	
Gulen	85 %	
Meland	100 %	
Austrheim		lik løna til rådmann

Godtgjering til varaordfører

Godtgjering til varaordfører har dei to siste periodane vore 4 % av ordfører si godtgjering. Dette inkluderer all godtgjering for formannskapet, kraftfondet, valstyret og administrasjonsutvalet. Masfjorden kommune ligg lågt samanlikna med nokon av kommunane i regionen når det gjeld godtgjering til varaordfører og rådmannen rår til at denne godtgjeringa vert auka til 6 % av ordfører si godtgjering.

Under viser ei samanstilling over godtgjering til ein del av varaordførarane i regionen:

	% av ordførargodtgjering
Fedje	6 %
Gulen	10 %
Meland	20 %
Austrheim	9 %

Godtgjering til medlemmer i formannskapet

Godtgjering til medlemmer i formannskapet har dei siste to periodane vore på 3 % av ordfører si løn. Dette inkluderer all godtgjering for formannskapet, kraftfondet, valstyret og administrasjonsutvalet. 3 % av ordførargodtgjering utgjer i dag kr 24 487 i året. Masfjorden kommune ligg lågt samanlikna med nokon av kommunane i regionen når det gjeld godtgjering til medlemmer i formannskapet og rådmannen rår til at denne godtgjeringa vert auka til 4 % av ordfører si godtgjering.

Under viser ei samanstilling over godtgjering til ein del av medlemmene i formanskapa i regionen:

	% av ordførargodtgjering	anna godtgjeringsfastsetting
--	--------------------------	------------------------------

Fedje		20 000 årleg + møtegodtgjering
Gulen	5 %	
Radøy		20 000 årleg + møtegodtgjering
Meland		29 000 årleg
Austrheim	5 %	

Utval om har rett på møtegodtgjering etter høg sats

Møtegodtgjering etter høg sats har dei siste åra vore kr 500,- pr møte. Dette gjeld alle kommunestyrerepresentantane (minus ordførar), varamedlemmer som møter i formannskapet (og i dei utvala som er personidentiske med formannskapet), kontrollutvalet, og medlemmer i utval som brukarutvalet, utval for vilt og fisk og forhandlingsutvalet. Brukarutvalet er lagt ned, forhandlingsutvalet består no berre av medlemmer frå rådmannen sin stab og utval for vilt og fisk har bytta namn til Teknisk Utval.

Møtegodtgjering for medlemmene i Teknisk Utval vert foreslått flytta frå høg sats til låg sats. Dette er grunna i at dei – sidan dei vart oppretta – har hatt få møter, og no når dei ikkje har ansvar for plansaker, er ikkje saksmengda i kvart møte stor.

Møtegodtgjering for representantar frå arbeidstakarorganisasjonane vert foreslått flytta frå høg sats til låg sats. Dette er grunna i at det er få møter og saksmengda er moderat i forhold til saksmengda til dei utvala som bør ha møtegodtgjering etter høg sats.

Rådmannen rår til at lista over utval som har krav på møtegodtgjering etter høg sats er:

- kommunestyret
- formannskapet, kraftfondstyret, valstyret (gjeld varamedlemmer)
- kontrollutvalet.

Utval som har rett på møtegodtgjering etter låg sats

Møtegodtgjering etter låg sats har dei siste åra vore kr 400,- pr møte. Dette gjeld eldrerådet, forliksrådet, valnemnda og evt andre utval. Forliksrådet er ikkje kommunalt lenger. Utval for menneske med nedsett funksjonsevne er eit nytt utval sidan ein reviderte reglementet sist.

Eit utval som ikkje har vore nemnd i gjeldane reglement er arbeidsmiljøutvalet. Rådmannen rår til at det vert tatt med som eit av utvala som får møtegodtgjersle etter låg sum.

Eit anna utval som ikkje har vore nemnd i gjeldande reglement er røystestyrene (ved kommune- og stortingsval). Det har vore opp til valansvarleg dei siste åra å fastsette møtegodtgjering deira, og dei to siste åra (kommuneval og folkerøystinga) har det vore utbetalt høg sats. Røystestyrene vert i dette framlegget lagt til i lista over dei utvala som får møtegodtgjering etter låg sats.

Rådmannen rår til at lista over utval som har krav på møtegodtgjering etter låg sats er:

- administrasjonsutvalet (gjeld representantar frå arbeidstakarorganisasjonane)
- arbeidsmiljøutvalet (gjeld representantar frå arbeidstakarorganisasjonane)
- Teknisk Utval
- Eldrerådet
- Råd for menneske med nedsett funksjonsevne

I tillegg vil utval som røystestyrene, valnemnda og medlemmer oppnemnd av kommunestyret i samarbeidsutval for skular og barnehagar har rett på møtegodtgjering etter låg sats.

Under viser ei samanstilling av møtegodtgjeringa for nokre av kommunane i regionen som har to nivå på møtegodtgjeringa:

	Høg sats	Låg sats
Fedje	Kommunestyret, formannskapet, kontrollutvalet, PSU	Eldrerådet, ungdomsrådet, AMU, arbeidsgrupper nedsett av kommunestyret
Gulen	Kommunestyret, kontrollutvalet, hovudutvala	Eldreråd, råd for menneske med nedsett funksjonsevne, verv i andre styre, råd og utval
Meland	Kommunestyret, formannskapet, utval for levekår, utval for drift og utvikling, administrasjonsutval	Eldreråd, råd for menneske med nedsett funksjonsevne, takstutval, sakkunnig takstnemnd, overtaksnemnd
Austrheim	Kommunestyret, formannskapet, administrasjonsutval	Kontrollutval, forliksrådet, overformynderiet, næringsnemnda og mellombels komitear

Godtgjering for bruk av personleg elektronisk utstyr

I gjeldande reglement står det at godtgjering for breiband må vurderast ved innføring av elektroniske sakspapir. Dette er ikkje gjort, og er heller ikkje aktuelt å vurdere i denne omgang. Etter kommunevalet i 2011 fekk alle representantane som var valt inn i kommunestyret og underliggende utval, utdelt nettbrett. Ein slutta samstundes med å sende ut innkalling på papir. Nettbretta var ikkje særleg tenlege, og rådmannen ser at nesten alle representantane no nyttar privat elektronisk utstyr i møtesamanheng. Dette fungerer bra og rådmannen ønskjer å forsette med denne ordninga. Då er det naturleg at møtegodtgjeringa vert auka monaleg både for høg og låg sats for å kompensere for at alle folkevalde nyttar eige elektronisk utstyr for å kunne gjere tenesta dei er valt eller oppnemnd til å gjere.

Under ei samanstilling av nivået på godtgjering for bruk av eige datautstyr for ein del av kommunane i regionen:

	kommunestyret	Faste medlemmer i kommunal utval
Fedje	1000	1000
Gulen	1000	1000
Radøy	1000	1000

Telefongodtgjering

I gjeldande reglement står det at leiar i utval og formannschaftsmedlemmer skal ha kr 1 000 i telefongodtgjering kvart år, mens kommunestyremedlemmene skal ha ei årleg telefongodtgjering på kr 250,-.

Dette punktet heng at frå ei gamalt regulativ frå den tida alle nytta fasttelefon og det vart rekna som dyrt å ringe. No har svært mange jobbtelefon som ein og nyttar privat, og prisen for å ringe er låg.

Det er berre ein av kommunane i regionen som utbetaler telefongodtgjering og summane er det doble av våre. Rådmannen rår til at punktet om telefongodtgjering går ut, men summane vert innarbeid i møtegodtgjeringa.

Møtegodtgjering

Ny sats for møtegodtgjering både etter høg og låg sats må – basert på vurderinga over - justere for prisstigning, kompensere for bruk av personleg elektronisk utstyr og for at ein tar bort telefongodtgjering for kommunestyremedlemmene. Rådmannen rår til at møtegodtgjering etter høg sats vert kr 700,- pr møte mens møtegodtgjering etter låg sats vert kr 500,- pr møte.

Under er ei samanstilling av nivået på møtegodtgjering for ein del av kommunane i regionen:

	Høg sats	Låg sats
Fedje	500 + årleg fast godtgjering	300
Gulen	1 % av ordførar si godtgjering årleg 300 (gjeld vararepresentantar)	200
Radøy	600	600
Meland	750	750
Austrheim	500	400

Godtgjering til leiarar i utval oppnemnd av kommunestyret

Godtgjering til leiarar i utval oppnemnd av kommunestyret har dei siste periodane vore utbetalt som ei fast årleg godtgjering på kr 7 500 for desse utvala:

- Kontrollutvalet
- Teknisk Utval

og som dobbel møtegodtgjering for desse utvala:

- Eldrerådet
- Råd for menneske med nedsett funksjonsevne
- Arbeidsmiljøutvalet (når det er ein av representantane for arbeidstakarorganisasjonane som er valt som leiar)

Av desse utvala er det leiaren i kontrollutvalet som har den mest krevjande saksmengda. Rådmannen rår difor til at godtgjersle for leiar av kontrollutvalet vert høgre enn for leiarane i dei andre utvala. Rådmannen er usikker på om det er ein fast årleg sum er den beste godtgjeringa for leiar av utvala lista over. Slik reglementet er i dag, får det ikkje konsekvensar for den årlege godtgjersla for leiar ved fråvær. Det er heller ikkje innført reglar for godtgjering av vara for leiar. For nokre av utvala lista over, har det vore svært få møte i ein del av dei siste åra. Godtgjering pr møte har difor blitt høg. Ei vidareføring av fast årleg møtegodtgjersle vil krevje eit regelverk for fråvær og godtgjering til vara som må følgjast opp av administrasjonen.

Rådmannen meier at eit regelverk som gjev møtande leiar dobbelt møtegodtgjering vil vere ei betre

ordning for kommunen enn ei fast årleg møtegodtgjersle.

Av utvala list over er kontrollutvalet eit av dei utvala rådmannen rår til at medlemmene har rett på møtegodtgjering etter høg sats, mens medlemmene i dei andre utvala vil ha rett på møtegodtgjering etter låg sats. Dette åleine gjer at leiar i kontrollutvalet vil ha ei høgare møtegodtgjering enn leiarar i andre utval oppnemnd av kommunestyret.

Under viser ei samanstilling over årleg godtgjering til leiarar i utval oppnemnd av kommunestyret for ein del av kommunane i regionen:

	Kontrollutval	Tekniske utval	Andre råd og utval
Fedje	8 000	8000	1 500
Gulen	2 % av ordførargodtgjering	5 % av ordførargodtgjering	
Radøy	15 000 + møtegodtgjering	25 000 + møtegodtgjering	1 200
Meland	12 400	29 000	Ca 1 ½ møtegodtgjering
Austrheim	3 % av ordførargodtgjering		

Tapt arbeidsforteneste

Satsane for tapt arbeidsforteneste har dei siste åra vore kr 900,- for ulegitimert tapt arbeidsforteneste og kr 2 500,- for legitimert tapt arbeidsforteneste. Rådmannen ser at me ligg lågt samanlikna med andre kommunar i regionen når det gjeld satas for ulegitimert tapt arbeidsforteneste og rår til at denne vert auka til kr 1 000,-. Satsen for legitimert tapt arbeidsforteneste vert halden uendra.

Under ei samanstilling av nivået på tapt arbeidsforteneste for ein del av kommunane i regionen:

	Legitimert tapt arbeidsforteneste	Ulegitimert tapt arbeidsforteneste
Fedje	3 000	1 500
Gulen	2 400	1 000
Radøy	3 000 for arbeidstakar 3 600 for sjølvstendig næringsdrivande	1 000
Meland	0,4 % av ordførar si løn	360 pr møte
Austrheim	2 200	1 000

Konklusjon

Rådmannen rår til at reglement for godtgjering av folkevalde vert vedteke slik det ligg føre.

Formannskapet - 009/2017

FS - behandling:

Ordfører Karstein Totland (H) orienterte kort og saka vart drøfta.

Framlegg til vedtak vart samrøystes tilrådd til kommenestyret.

FS - vedtak:

Reglement for godtgjering til folkevalde vert vedteke slik det ligg føre.

Kommunestyret - 005/2017

KS - behandling:

Ordfører Karstein Totland (H) orienterte kort og saka vart drøfta.

Framlegg til vedtak frå formannskapet vart samrøystes vedteke.

KS - vedtak:

Reglement for godtgjering til folkevalde vert vedteke slik det ligg føre.